

եւ ջանա՛1 ամենայն ուժով տիրասեր լինել յայսմ հետեւ եւ արդարամիտ եւ աշխարհաշէն. եւ ե՛րթ բարեաւ ի քո ընտանիս եւ յաշխարհն. եւ հասելոյ երբեք ի մենջ հրամանի կազմ կաց եւ պատրաստ»:

**ՂԷ.** Եւ հրաժարեալ թագաւորին Վաղարշու<sup>2</sup> զսպարապետն Զայոց գտերն Մամիկոնեից զՎահան եւ զամենայն նախարարս Զայոց՝ արձակեր խաղաղութեամբ: 2 Եւ եկեալ զաւրավարն Զայոց տերն Մամիկոնեից Վահան յաշխարհս Զայոց, ամենայն ուխտապահ նախարարաւքն Զայոց. որում ընդ առաջ ելաներ սուրբ այրն Աստուծոյ կաթողիկոսն Զայոց Յոհան, պատուական նշանաւ խաչին եւ սուրբ նշխարաւք ճգնազգեաց նահատակին Գրիգորի, որովք եւ յուղարկեացն իսկ ի դուռն զամենեսեան: 3 Եւ պատահեալ սրբոյն Յոհանու կաթողիկոսին զաւրավարին Զայոց տեառն Մամիկոնեից Վահանայ եւ այլ նախարարացն Զայոց որ ընդ նմա եւ ամենայն զաւրուսն բազմութեանն՝ ողջուներ զնոսա արհնութեան համբուրիւ, եւ ասեր ուրախալից սրտիւ. *Յնծասցէ անձն իմ ի Տէր, զի զձգնեալ որդոց եկեղեցւոյ իւրոյ ջնջեաց զքիրտն, որ վասն անուանն Քրիստոսի քրտնեցան. հանգոյց զաշխատութիւնն, մաքրեաց զաղտ զինուցն, լուաց զոգիսն հաւատարմացոյ ուխտապահութեան ջրովն, եւ զգեցոյց ամենեցուն հանդերձ փրկութեան եւ պատմուճան ուրախութեան. եւ որպէս փեսայից եղ պսակս, եւ որպէս հարսն արթայութեան իւրոյ զարդարեաց զձեզ զարդու՛ւ: 4 Շնորհեցէ՛ բարեխաւսութեամբ սրբոց իւրոց՝ զարդարեալ զձեզ եւ այնու զարդու, որով զարդարին առաքեալն եւ մարգարէքն յաւուրն Քրիստոսի. զորոյ զարդու պայծառութեան տեսչութիւն, զոր ակն ոչ ետես, եւ ունկն ոչ լուաւ, եւ ի սիրտ մարդոյ ոչ անկաւ, զոր պատրաստեաց Աստուած սիրելեաց իւրոց՞:*

5 Եւ ասացեալ զայս ամենայն սրբոյ կաթողիկոսին, եւ արհնեալ զամենեսեան՝ նախ զային ի քաղաքն Վաղարշապատ որ այժմ անուանի Նոր քաղաք: 6<sup>3</sup> Եւ ըստ սովորութեան իւրում սպարապետն Զայոց Վահան, ուխտակից նախարարաւքն Զայոց որ ընդ նմա էին՝ կային անդ աւուրս, եւ կատարէին զուխտս եւ զնուէրս ի սուրբ եկեղեցւոջն Կաթողիկէի, եւ ապա յիւրաքանչիւր տեղիս նահատակելոց կուսանաց, եւ հոգացեալ նախ զպետս դարմանոյ աղքատացն՝ լցեալք կատարէին: 7 Գային միաբան ամենայն նախարարքն Զայոց եւ այլ բազմութիւն՝ զամենայն ար մեծապէս ցնծութեամբ, սաղմոսիւք եւ ճառիւք հոգեւոր վարդապետաց եկեղեցւոյ սրբոյ. ուրախ լի-

1 2. ջանայ

2 2. լուսանցքում ունի՝ վահան թագաւորէ

Ս Զմմտ. Ես. ԿԱ 10:

Բ Զմմտ. Բ Կոր. Բ 8:

3 2. Նոր քաղաք: Օրհնեալ է աստուած